

少傳野亭劉公遺藁

少傅野亭劉公遺藁卷之五

雜著

野亭書容自贊示後

龍含辛巳杓轉寅虛野亭以七旬野貌而授諸畫史題  
贊出平生忠臆而命之非書爰述世德上遡厥初匪直  
具蒸嘗瞻拜之位將以示衣冠紹續之模南陽之棠始  
而攸居將門侯姓繁戟森如勝國叔季禮教紛拏高祖  
避地始謝鄉閭杖策擇里兆吉河隅乃易今姓占籍莘

墟遙遙五世絃誦耕鋤先少傅公起家師儒洪源篤慶  
垂蔭耿予予產莘野而負野性乃築野亭而被野祛弱  
冠謬借於計吏三九濫迹於朝裾籍通鸞禁後從石  
渠以舊講晉學士而著銜東閣以年勞陟禮侍而言  
邁南都上卿之擢才逾旬日吏書之轉甫及歲餘續奉  
周南之詔敢后宣室之趨典制誥分文淵之席  
握府篆仍學士之魚尋承簡授參與機樞少傅柱國  
與武英宮階疊進玉圍繡蟒及褒典渥眷繁紆自知

公鼎非寒酸之器人言沙堤豈匪獲之途居旬月間乞

歸骸於疏老章十三上荷 溫綸於堯俞犬馬當耳順

之境庶豕同晚歲之娛月樓陰卷花墅春輿奉 廬賜

以膏七筴安舊業以老衡廬尚希以瓦全藉手而仰見

於對越不敢以壁碎墮行而懼頽于楸梧保終 嗣代

關世華胥今雨丹青剩有逼直之妙他昔泉壤諒非賈

恨之軀駭我嗣胤世遠人殊仰遺容恐惑於昧昧誦遺

訓茲得於區區忠孝清嚴悉我先公之故物詩書禮法

寔爾奕業之良圖讀伏波書切切焉最宜效學於謹厚  
授晉鞅簡眼眼焉勿遺誦習於斯須庶幽泉為不朽之  
魄而存沒垂末世之譽

子年六十乞歸老歸十載為正德辛巳而閱歲七  
表美貌益老形益羸日暮窮途之感日益集兒輩  
懇請以真容肖諸畫史子因述數言題于上蓋形  
授筆與子固不能如畫史之功而布臆寫衷昭先  
啓後史亦不能悉予之筆也

跋顧華王送別卷後

丈夫非無淚不洒離別間所志在功名離別何足歎此  
昔人送別詩也還顧望故鄉長路漫漫浩同心而離居  
憂傷以終老此亦昔人送別詩也一以為別可重一以  
為別可輕一於輕則幾於忍薄而同人之情或踈一於  
重則幾於燕懼而孤矢之志或鬱輕重之間必何如而  
始有攸當耶鍾情固人生所不能無惟於情而能輔之  
以義於義而能察之以情庶幾乎古人贈言之意而友

道全別誼盡矣惟魯南與華玉自蚤歲納交文字研席  
之間當華玉有千里遠別魯南不謀於故舊及嘗所往  
來而獨爲文與詩以贈其情之厚過於他人遠矣然其  
大篇短章顯辭奧義何翅數千言而略無幾微惘惘可  
憐意雖把手江臯其期與則超詣於萬里亨衢之遠雖  
樽酒眷戀其義氣則激昂於九天寥廓之上雖遠隔千  
里其論難若聽聞於几席咫尺之間魯南所以處是別  
者不有道哉即別一事處之不忘以道則二君平日以

規以勸以切以劑而以友道相輔益者豈惟文字研席  
之間哉肆今華玉自舉進士升郎署聲譽已籍籍縉紳  
間及擢守來當寇掠縱橫戎馬充斥而文章政理斐然  
爲七郡稱管濟顯陟融刻日可見魯南具大抱負雖累  
奇甲科而業日崇譽日張德器日闕且碩遠到之望不  
獨予一人爲然則二君平日規勸切劑以友道相輔益  
者不於是益有徵哉昔子承乏南京吏部華玉時爲勳  
部郎魯南又子辛酉京闈所取士皆忝有一日之長嘉



賞是卷爲書此以歸

跋見素詩文卷後

梧山李公以見素林公詩文一卷示林下其間警勵之辭予不能悉舉所謂獨正不足共功而小枉足以就事又曰一真不移各止其所此見素之心也梧山之心也亦予平日所中藏而不敢以語人者也特拈出以告觀者夫詩與文固古人所不廢而寔在道德功業之須今見素此心此志此譽望未能太竟厥施於一時徒裨之

謳吟於岩樊樂澗之幽進退於田官林穎之席寧不為可惜哉然此豈足為見素惜而世之知所惜者當自惜之

書玉亭雅會錄後

正德丁卯予以學士擢南京禮部時翰林同官歷仕南京先後而至者凡九人一時遊從之樂甚適也暇日子因諭於衆曰玉亭雅會此南詞林故事廢而不舉者久矣今一再舉之何如衆欣然曰諾於是卜日設奠於玉

亭之署學士石公為主亞卿馬公折簡為倡予不佞勉  
成短律二章以歌一時之盛諸公咸慶和之既而謀諸  
畫史復肖貌之乃彙裝成冊俾家藏一帙以慰他日鴻  
泥乖隔之感以為子孫世講之資己巳官諭豐公承

詔南來署院事乃追取前輩官南署者名姓履歷及詩  
文并取雅會錄統為梓勒之緘寄予林下時漢陽傅公  
以名進士假令敝邑間以出視公復取而重梓之將以  
資縉紳之美談補詞林之盛事夫一飲宴固常事也一

倡一和亦詞林緒談也在當時既肖貌之豐公梓錄之  
傅公又復再錄之而欣羨愛慕之意若不能已則夫道  
德勲業之高節義志行之潔足以佐聖功敦名教翊世  
運其可肖可錄而為天下後世之欣羨愛慕者又當何  
如耶諸公於是固各有在予無似非老仕止碌碌焉不  
能效農馬之一技其有愧於是卷有愧於諸公多矣錄  
成書此識歲月外和豐公以下詩五章附錄于末見當  
時雖不獲預諸公燕會之樂而神遊默契之意蓋千里

而咫尺者

跋崔母家訓後

予嘗聞崔母高訓每珎重如至寶昨檢舊冊仍覩其言  
因書以示兒孫蓋清謹儉素不徒士大夫當然凡在四  
民皆當兼受農而能以此為戒則必守井力田無周人  
質成之訟商而能以此為戒則必本末相資無魯人飲  
羊之欺工而能以此為戒則必守繩持矩無商民淫巧  
之害士而能以此為戒雖不即聖賢之階備道德之舉

則必以玷祖德辱門戶累身名為懼終身不失為規矩之士自可以守家守身守富守貴矣青氈乃故家之物貧窮乃士節之常允我子子孫孫誠之勉之毋視為常言泛論

題劉氏世範

予不肖叨祖宗鴻蔭幸有今日顧老悖無以增光先德為諸宗人倡愧顏良厚今年春三月五日兩門子姓合辭來謁曰吾劉氏支裔蕃碩恐世遠人疎無以聯屬息

誼以仰承先烈今卒不能如古人大小宗之制欲略取鄉里會約而增損之凡月朔望日一舉會人各餽銅錢若干文為祭奠費凡歲清明中元下元日謁先隴三舉祀畢則取惠餘薄為飲宴以慶樂享受燕貽之德惟度惟式毋懈毋替俾百世而下子孫孫子咸有所瞻仰庶幾乎恩誼周流浹洽而於情於禮為兼取乎深然之遂勗之行且告之曰惟祀所以報本也禮會所以敦本也凡吾子姓者能宅乃心惟端惟謹使百年之內雖豐葍

顯晦不一而所以自立者必以命自安以分自守以無  
忝所生貽憾先世為警勵出必為良士處必為良民居  
家必為良子弟則社靈懋悅歆格其孝敬而本之報益  
隆後之人率乃攸行而本之教益遠則茲會之盛不獨  
可名於一鄉一邑也予老且死矣雖泉下當拭目以望  
其勉之戒之

答顧太守華玉書

承手翰論以見客故人厚愛之情極知感激但病老之



苦平日不敢告人者今略一言之病老自抱病七八年  
來恒欲謝絕人事以既在仕途安能遽爾屏棄於是殺  
而為踈簡踈簡又不能於是乃堅有林下之乞林下百  
事簡朴一味閑寂病老自慶享用不盡矣不意賓客誤  
蒙愛厚每過者必加禮焉必垂訪焉必欲一見焉束帶  
加冠升階就席一茶話未盡而四體已困憊矣前日以  
病而請乞閑靜今日以病而勉強應酬是於養生之計  
甚疎應世之計太巧具眼者從而笑且非矣為病老者

何以堪之事必施報禮貴往來大凡有禮於我必出一見之一答之今日見一人答一禮明日見一人答一禮後日復若是焉則終日奔走車馬之下周旋揖讓之間而勞苦等于仕途者今日答一禮見一人明日至者不見不答焉人得議我以客有輕重之別而為禮有等級之異其為得罪亦甚矣於勞苦之中而又至得罪為病老者何以堪之古之人既罷政必杜門謝客以為不如是則非禮犯分矣病老何人何足以望古人門牆而敢

為僭踰妄行但既在名教之列亦不敢不勉強學步以  
無犯古人之訓况愚性粗率見客除能揖拜外至于諛  
詞巧說平日不曾習學卑禮諂態平日不曾操演客知  
者謂為粗鄙或不見讓不知者必以為簡為傲為不通  
時宜之人厚者或見議于去後薄者必見侮于一時又  
況林下之人易召輕侮既犯古人之訓又招時人之侮  
其為不知甚矣為病老者又何以堪之草草狂率之言  
不辭為一告者冀有責備於病老者懇為一謝焉送

別卷勉成教言附上

與石齋閣老書

十年千里之別故人一念徒馳情於晨星梁月之間其如良寤之難何哉每欲具書奉問直以林野踈迹未可輕以書謁茲者 朝廷遣使存問雖

聖天子優老之恩然賢執事贊佐之力不敢不知也謹謝  
謹謝僕始歸六七年起居快健自辛此舉誠為得計近  
年來一年不如一年一月不如一月近日四體百骸悉

爲病所占據而一日不如一日矣所餘者未以一死還造物者耳知已敢告又嘗詠他生未卜此生休之句或移之以入懷舊之感神志懽悅隱几廢卷面首三十年春夢未足以供負歌者之一誚也草草具字幸惟臨諒萬萬

與李縣簿柬

老朽菲薄荷

朝廷賜山林養老之恩數年猶少有餘剩近因臥病三月

餘求醫治藥劑及置後事其付將護又誰連年災傷不  
收家口衆多自携升斗入市糴買日積月累時至匱乏  
故不得已干聒閣下兩查玉傳三尹送銀庫籍并寒家  
收米回照其價明白照舊支給便可了事也恃知千萬  
留意

與何中丞柬

近來天氣如燎如焚不惟野中之苗欲死而樹頭之鳥  
乾欲死不惟獄中無辜父繫之人欲死而行道之人暘

欲死造化再生之仁乃明公掌握中物老朽臥病輾轉  
少有一得敢望移文各屬凡久繫可疑之罪少抑法曲  
垂情廣為踈釋則精誠上通而雨意或可回矣古人掩  
一骨而甘霖隨之以至惟明公留意焉出位僭言恃在  
知舊諒之萬萬

與張大尹救旱書

自三代去後秦漢以來凡千里守邦百里守土於有孝  
有義者不加章明有屈有抑者不垂申理奸惡橫肆者

畏而不敢治曾苦無告者殘而不知郵專事虛情略無  
實意正不知目監在茲之天內而在人方寸不昧之地  
外而在家人堂奧之間一念之萌昭如日月而洞察之  
下已為紀錄中罪人矣此可欺耶不可欺耶使老朽為  
一么麼之神亦當上請于帝下告于神封海濟傳龍檄  
收甘霖以示薄罰但林林無辜惟此荼毒言及於此泪  
橫病枕凡我縉紳乞加縮卹萬萬

與張大尹救旱第二書



禳災之術在人不在天在誠不在文在情不在法能少  
抑法律曲伸情欲則一念精意上通天帝旁動神理而  
亢曠不消未之有也為今之計當理寃獄釋無罪掩四  
野遺棄無主之朽骨凡我有官君子務秉一念對越至  
誠不求之禮文而求之人文不求之旱魃而求之人魃  
或庶乎其可也古人掩一骨而甘雨隨鋪而至是果在  
天邪在人邪在心邪在禮文邪垂死之老鏡舌出此誠  
多事矣

回謝唐王啓

竊念林野迂疎衣冠瑕類顧樵翁漁父雖或不遺而與  
論士談每多見誚仰承察照下臨生姿以先元妃表隧  
之真珉假拙隱翁棲巖之野語教言鄭重禮意周全藻  
翰分東壁而下天衢使命自南死而載星駕百金鑄寶  
八綵彌廡丘園寶篋篋之箋箋門巷感旒牽之泯泯吳  
戩仙茗珍果名鑄象乾圓而治鍾孟金章燁燁體坤方  
而創度閣綵霏霏物與儀兼致其隆上待下而盡其

禮紹芳漢東平之樂美踈美魏陳思之右文衰朽何知  
高明誤聽方舉謝忱於卜日重頒寵惠於亥冬戚畹橫  
金驅薄於積雪衝風之道野亭垂白歡怵於光天化日  
之鄉手捧色絲既澤沐乃敢啓誦躬承封印既展拜乃  
敢登嘉感激彌深瞻戀徒切宮庭高遠而謁謝未由道  
里逖遶而趨走無據馳寸心於狎鷗之渚雲與飛而水  
與流致百拜於臥龍之崗蜂有儀而蟻有禮干冒尊嚴  
無任悚云

回李都憲救荒啓

竊惟奎壁在天星斗藉文章之潤太華附地民物蒙鎮  
殿之功實一氣之所感通而世道亦所攸係故斗降精  
則人文足以佐化成之茂績山降靈則士節足以回名  
教之狂瀾振古有徵于今間見恭惟賢執事先生裔出  
仙舟英特夙承于奕世地聯眉壤詞華竝美于儒宗昉  
進賢科卽登禁院三百餘人之妙選總是名流二十八  
宿之清輝上應乾度三載席木夫之下一日進中秘之

書厭步八磚出操三尺欲以樹萬人封城之業蓋將佐  
四面解網之仁陰慘陽舒山崇斗峻何物入霧乃爾障  
天既咲請于左符遂逃遠于西省屢回轍于王生之畏  
道肯噴泣于阮郎之窮途授界豺虎者既肆于窮荒不  
食生虫者始遊乎郊殺輿情懼慰簡在昭章即見賜環  
載瞻導渚漢京兆之命甫資於桑梓唐中丞之薦繼奉  
于絲綸仰荷 皇仁垂情汗土以閭蒼嵐困于薤菴汗  
百半奪于河流借重明公公憂側食不謂忻蒙之地評

惟雲漢之虞含哺鼓腹者百無二三蒙袂輯屨者十常八九野無青草家有赤崖委溝壑者繩繩而來飽烏鳶者在在有見實同喪犬奚止涸魚仰明公默禱乎洪鈞出赤手力支乎大厦携甘泉以沃焦釜植病草以就陽春撤梁公之淫祠用端俗化出蘇公之聖散以起死亡請 溫旨以蠲逋征徼齊民以輸義粟露囊請發虛幣求言精禳冀格于神休一念廣切于娑恤靡策不舉靡事不用顧我衰朽之餘亦忝冠裳之末履歷南北三十

載無補官曹罷休林泉六七年重叨 優典盤盂日飫  
于紅腐田塍時阨于青黃林下雖閑身亦在受廬之列  
目前見餓莩多皆同井之人坐視無情殆非人理乃藉  
主上之侈恩少助明公之博愛薄施小惠略布愚衷以獨  
繭而成天下之大裘以寸筵而建萬間之廣廈區區何  
補碌碌徒勞念出一時愧無良畫尚恐士夫有沽名干  
譽之謂識者有越位逾職之譏悚懷怒怒顏色紛紛不  
意縣大夫誤陳于文牘賢公卿下顧于柴荆丘園承筐

篚之箋箋明巷集籟牽之濕濕郁絨羲晝珠玉駢繁  
斧藩軛風雲雜選秋霖下注白頭慳數日之歡晚照西  
來綠醕稱一時之樂聯璧而對佳客林下素無叩關而  
謝主者天涯伊阻敬修寸紙庸展迷懷一以答明公之  
雅愛舊知一以瀉吾民之報忱謝悃輒塵電覽尚冀春  
容

與何中丞啓

切惟古今之士或因采名而售於情貌之深厚或以循



名而得其底裏之素常蓋虛名燕石也雖具眼者未至  
於了了實德荆璞也雖遭刖者難掩其英英故鄉評為  
人物之龍門而終南為仕進之羊質竊惟草野濫迹木  
天幸值明公簪筆 楓陛寅而入嘗接羽於鷓鸞酉而  
出或避塵于駘馬互切蕙蘭之慕徒格陳雷之交然西  
臺左席竊實有得于晤言東閣後從或亦浪傳于浮譽  
負子輿過情之耻愧尼聖改是之言茲遇明公借重栢  
臺承宣棘省輟江藩於左轄聯斗彩於中台借太行為

開府中土上游行河濟為恩波狂瀾東下每懷民隱枉  
過野亭被草逕於無媒叩桑樞於散地衛大夫之駟駕  
辱在浚郊謝太傅之塵揮上追晉代談銷燭跋光覲月  
梁則老朽之衷曲肝腸高明之權衡尺度稱量銖兩洞  
察纖毫惑荆璞而悞水鑒于十年覩燕石而豁冰疑于  
一夕不加譏咲寔荷幸榮豈謂一丘一壑之名上徹公  
府公車之聽濫推黃髮不念方頭略棘上蠅營之讒咲  
省中烏啄之口矧乞言詢老雖肇端於虞周而三老五

更父弁髦於秦晉今

聖天子衍八萬一千年之寶曆舜執堯中賢卿相膺五百  
年名世之昌期洛承瀛派再惟明公有先漢暴直指之  
望邁昭代干宮保之賢臺郡賢邦漢滂周奭欲追超三  
之故物上助 居五之中興追都俞於典謨宣大文於  
竒偶隼今酌古正色公言欲移四野之煙霞上回重瞳  
於中澤淋漓薦墨傾倒中丹豈不知魚目自別於連城  
蓋欲藉馬首以啓夫賢路謂朽骨既已獲售而逸足自

當空群啓神堯四目之明邁漢武萬里之見誤蒙天監  
垂布皇宣時加者時時加厚也時時加厚則愚臣日在  
於聖心顧遇之中存問者憫恤問詢也憫恤問詢則天  
語日聞於隴閉昏蓋之耳豫之爾燕之北使輅移軫于  
星垣斯之章秦之爾寶檢分泥于太乙仗偉人回日箋  
天之筆增文石他時諛墓之光誠恐誠惶且慚且感惟  
願棄鼠璞于阿睹掇龍領于暗投雖畚鍤車牛廣心月  
於延攬雖析關河海回照矚于遐幽則長山大谷未必

無三代之遺才而白石滄江亦自有一世之高士一舉  
手一投足挽哭轍之窮途或物色或玄纁釐垂衣于側  
席將見公主相冕拜薦賢上賞之褒彤管金滕延以人  
事君之譽白屋足窮鱗舉顯昂有識荆之願青山雖獲  
落甘潦倒于辟穀之歸

閒錄十三晉

人君不得與臣下爭善同列爭善猶以為愧可以君父  
而妬子乎晉宋間人主至與臣下爭作詩寫字故鮑照

多累句王僧虔用拙筆以避禍悲夫一至於此哉漢文  
言久不見賈生自以為過今乃不及非獨無損於文帝  
乃所以為文帝之盛德也魏明乃不能堪遂作漢文勝  
賈生之論非獨求勝其臣乃與異代之臣爭事惟無人  
君之度正如妬婦不獨禁忌其夫乃妬他人之妾也  
薛文清言二十年治一怒字尚未消磨得盡以是知克  
己最難孟軻暴之氣不惟損德召尤其損身尤甚予平  
生被此字害取多因書公言為師訓

在古人之後議古人之失則易處古人之位為古人之  
事則難以紙上之言觀往事率皆輕議古人處事之失  
設使身居其地吾見其錯愕失措者多矣

上好土木則山谷井陌矣上好金珠則川澤鼎鑊矣上  
好珍禽則原野犴狴矣上好文繡則機杼桎梏矣上取  
其絲下致其綸上取其綸下致其紉是故古之君有好  
後而林殘求珠而魚殫亦趨好之過與

王陽不敢乘險將以為孝也故甘於不忠周處辭親事

君將以為忠也故甘於不孝楊穆知其翁終敗與之別  
族將以為智也故甘於不友羊續閉郡舍不內其妻將  
以為廉也故甘於不義

古之隱也將以為上也今之隱也將以為仕也古之儉  
也將以為廉也今之儉也將以為貪也古之禮也將以  
為遜也今之禮也將以為爭也

心之所變形之所從也是故寵辱重正色化為婉媚勢  
利勝強項化為偃倭息諱嚴利口化為喑啞猜防深智



者化為狂悖心無所不變形無所不化心化之漸吁其可畏哉

心非忍於麋鹿仁於蜚古也欲勝則為忍欲亡則為仁故欲勝者可使父子相食兄弟相賊欲去者天地可以為家萬物可以為一

不過勝毋所以立孝也不入朝歌所以立儉也不飲盜泉所以立廉也名非而無損於實不得不懼事非而無傷於德不得不去糟立之荒象著之習也炮烙之慘執

升之積也。殉良之哀，偶人之弊也。是故防有者必立于無救末者，必立于初。

易以九居五六，居二為當位而詞多艱，以六居五九，居二為不當位而詞多吉。蓋君以剛健為體而虛中為用，臣以柔順為體而剛中為用。君以虛中行其剛健，臣以剛中守其柔順，則上下交而其志同矣。

蕩心侈目惑情害性者，因不掃除清心寡欲，省緣薄費者，奉以周旋，揮毫弄墨，真草自如，濃淡數行，茂密如意。

未能忘情似賢乎已

舜作歌以謹天命而臯陶乃謦載歌世治而相勉以善也五子述大禹之戒為歌世亂而相警以惡也小人歌之以厚其俗君子賦之以見其志

徒知轍還之勞不如墮拱之為安闕里之化不如比屋之為厲抱關擊柝為委更為乘田不如百官牛羊倉廩之養之為備削迹于徯伐木于宋饑餓于陳蔡不如朝覲謳歌獄訟之為盛七十二子三千之徒相與奔走於

列國不如九賓四岳十二牧咨詢吁咈都俞謏詒之為  
樂斯皆知其一不知其二者也

少傅野亭劉公遺藁卷之五

終

少傅野亭劉公遺藁卷之六

五言古詩

賞文臣應制

嗟予撫鴻祚際此熙洽辰  
仰觀天宇間民物陶然春  
靜言念治理而豈在一  
人虞廷雖大聖乃亦咨  
臣鄰顧予一人者至治  
焉能臻引翼多所賴日  
夕忠丹陳雅歌譽髦士  
褒頌多賢臣勉旃罄悃  
臆永弼予垂紳

和楊廷俊墜馬傷足韻

下選和卷一  
渥池有龍種立仗宜軒墀千里忽一蹶未足成瑕疢昂  
首時一鳴矯矯能虜姿雲深碧蹄沒逕滑青苔滋遊韁  
委道側猶勝臨深池閉關謝來往曳杖將焉之我有御  
馬法淺易無人知小心謹繮勒周道行遲遲豈惟免蹉  
跌亦可嗟新詩

和東坡石道士

泰山石丈公不知幾何壽林泉謝軒裳輪蹄厭踐蹂有  
孫名本無倡狂嗜詩酒蚤從黃石翁述名脫塵杻時看

海上雲青山隱雙肘我欲同其遊問之不開口聞世有  
楊公高名敵瓊玖昨日下午山頭到門袖雙手無言如有  
求道糧借升斗公知非常人定交勝良友置之几席間  
揚眉更昂首清堅同其衷粗頑忘其醜契道共忘言不  
須更分割我亦重其人題許繼蘇叟

張仲澆有招不果既而以酒弁詩見惠次韻二首

病來絕杯酌銅罌繡重綠已成犀簪謀久謝陶翁漉所  
以人皆醉醒醒惟我獨故人昨有招已滌甌罌腹誰知



中變更分餘到茅屋感此情誼良從今願相續  
故人昨見招床頭釀新綠甕注江清青笏帶雲漉而  
我三兩人可以豁鬻獨我雖不好飲隔日已枵腹餘樽  
忽見分芬芳繞墻屋貧家乏報瓊新詩愧貂續

詩筒成再賦寄林見素都憲

淇園有隱君頎然秀而特撐拄冰雪腸顛昂水雲宅天  
不愛瑤青分滋飽秋色地不愛名埜假形擬良德中虛  
涵乾離節著陋坤畫竭來野亭中蕭揖等嘉客知我有

故人幾年烟海隔欲為致勤渠遠代雲間翼初聞怪且  
疑終歡動襟臆殷勤為剪裁鄭重與拂雪楮籍霜膺  
銀蠟泯虫隙情慤授冲虛緘題印朱墨行李登前途輕  
盈僅逾尺雲稍拂靈風行影駕月跡崎嶇百萬程飄飄  
才瞬息黃耳與素魚吠渠有過抑煩君見故人為我道  
疇昔天近地里遙書短意千百故人我齊年我老鬢鬢  
白盛顏與勳名舉為虛拋擲故人金石姿肯逐歲年易  
丁寧布祝辭晨昏謹眠食更問庭前松是否故時碧日

月蔭清華烟雲化靈液毅然龍虎氣豈識虫蟻阨萬怒  
流風聲四山擁標格群木若駘駒心俯而伏孫枝出  
喬秀棟幹起王國餘芬發苓琥閭詹壽民脉秦封已弁  
髦春粧乃巾幗太古落落深山天籟失岑寂肯以萬牛輓  
重蹈江湖陌

七言古詩

擣衣曲二首

富家擣衣力不給傭借隣姬競晨夕貧家有力擣無衣

豈但無衣亦無石無石尚可借無衣寒且瘥况是今年  
秋雨多未待授衣寒已促無衣寒促柰爾何使我徬徨  
亂心曲爾衣今在當誰屋我與爾錢爾當贖

去年無雪天尚好今歲雨多寒定蚤一聲何處擣衣砧  
忽念良人在遠道遠道橫戈臥冰雪舊衣破盡新衣缺  
在家雖寒不覺寒兒女團圞意溫熱去年寄衣嫌衣薄  
今年無衣寄沙漠願將隨嫁短衣裳聊寄天涯禦寒著  
短衣禦寒君且著家貧不是恩情惡

賞武臣應制

皇祖南來主中國授鉞元戎啓疆域汝祖軍前杖策來  
一時魚水驩相得元功不居戒志盈大邦肇啓蒙恩特  
猗汝曾中富甲兵回看閭閻增顏色方今海宇逢升平  
萬里車書通漠北欲將章甫易兜鍪賜章新染龍池墨  
古來儒將非二途一丁不識真為惑詩成諭汝汝勿忘  
好與山河盟並勒

送王明府還陳留

君侯作縣經三年竭來獻績君門前 君王欲留惜民

望詔令千里仍西旋侯西旋兮可奈何炎風六月吹長

波銀鉞欲倒渭城歎短歌更為君侯歌自昔吾鄉枕河

曲歲歲支祁肆狂毒白波萬頃野無田蒼蘆兩岸君無

屋前時况復饒科差流離四野含愁哀血肉嗷嗷吏胥

飽百家井竈生蒿萊自侯之來民始復旋葺茅簷買黃

犢感侯惠利戴侯恩衣食年來頗稱足野老時聞聚村

社細數從前作縣者未似君侯父母心一念純然絕虛

假况侯之清更無比寥落惟存舊行李一囊紙貯活民  
書三年但飲陳留水送縣花渡河虎回首斯人未堪救  
借使閭閻凍餒存渡河百虎終何補爭似吾侯絕誇炫  
里井民安吏稱便會當采取舊歌謠敢為吾侯寫長傳  
嗚呼只今郡縣安得皆吾侯吾民不擾吾君休

白馬圖

余昔毛龍新出水非躡層空日千里何年隨貢入天閑  
解鞍驕立長松底遠來試向西池浴萬頃清流浸寒玉

漢主曾驚諫客來，周人每致生芻東園夫。欲騎不敢騎，  
凌風恐入秋雲垂。有時番立過天闕，百官相視誇雄奇。  
嗚呼豈獨真才世，希有駿足空群亦非偶。天家勿惜日  
石粟，忍教辱老奴人手。

三仙煉丹圖

若說神仙事，真有今古何人見。曾否若說神仙事，果無  
世間安得有此圖。神仙有無不可知，近來稍稍窺其私。  
飛昇黃白果不妄，秦皇漢武當先為。



題東坡叅佛印圖

四大本空亦非空  
謂我無坐却有坐  
爾我相對一幻纏  
翻是人間偶相過  
老坡不二門中眼  
色相胸中淨如卷  
聊將無語故相試  
戲益一言豈所短  
翻咲老僧錯開口  
面壁仙人應拍手  
西來本意萬緣空  
玉帶山門况何有  
我有一禪非口談  
古今自老無人叅  
擎拳合掌如如在  
曾取老僧下床拜

和邵文敬淵明解官圖

閉門高如萬戶侯折腰肯爲五斗求葛巾漉酒既醉止  
明日曝乾還掛頭秋風蕭蕭五株柳一卷晉書常在手  
黃花作意東籬香舉頭忽見白衣酒風塵醉人喚不醒  
清風明月閒高情咲他五鼓趨朝際正是先生鼾睡鳴  
我爲斗升亦羈此羞見先生畫圖裏先生有知應掩面  
嬾向風前對俗子

和東坡江上值雪和子由韻禁體

江湖沍落藏魚龜長風朔雪寒可知忽驚脚踏半夜冷

呼僮起視寒爐吹蒙頭縮足如凍蝟布被苦澁磨唵髭  
茅簷半欹負重荷瓦瓶釀熟含冰澌墮指誰憐樵爨冷  
有年已失蒼生危詩翁雀肩忽落帽漁郎僵臂難伸絲  
顧我好竒頗自咲吟嘲徒効書生為中宵忍冷不暇寐  
強搦青管如冰持兩手僵僵勁如鐵上床自恐冰兒肌  
忽思長安有貧者嗷嗷土炕號饑兒米珠新桂正如許  
釜空盃倒當茲時寒林折枝供濕爨短裙已買圍床帷  
冷灰撥盡夜無寐酸聲苦語含愁姿已將朽腹悲旦暮

安有濁酒傾淋漓我欲遲明整冠珮不辭凍滑登天墀  
手攀廷檻五雲裏一章狼為君王披萬倉紅陳肉林腐  
何當詔儻如星馳裁節宮闈罷無益不將膏血供漏卮  
縱我無食與無褐凍死溝壑甘追隨吁嗟狂生汝著意  
他日此詩須記之

良佐和東坡雪中禁體犯塩銀數字戲呈

大幅長箋展雲葉入手寒光照冰雪平生拙眼不識奇  
心道君詩總殊絕連珠疊疊自輝煌春蚓秋蛇細盤折

長安詩客雖萬千，奇麗如君自難滅。高堂賓客爭傳看，  
隔坐紛紜袖頰掣。却想當時號令嚴，凜若秋霜肅袍纈。  
衆賓低頭不敢語，三令五申猶屑屑。古今陳言一掃空，  
不許當前惱唵瞥。千載若逢蘇長公，浮以大白君無說。  
題詩罰君君勿怒，監史從來面如鐵。

銑期擒王郎圖

白水潛龍利九五，天假風雲翊神武。邯鄲卜兒何為者，  
敢假姓名肆狂瞽。不知帝王自有真，天地萬物各有主。

將軍凜凜山海姿授鉞專征自天府馬上跳身飛燕輕  
舌端生氣雲烟吐長鎗短兵不須試兩手生擒怒如虎  
英風滿地神鬼趨回視狂生面如土以偽亂真未足云  
弄巧成拙終何補狂生一死計莫施世間詐者應栗股  
中秋良佐預以詩賀和韻答之

一官幸免勞州縣江海欣逢少游面鍾靈知自錦江來  
錦繡胸中自成片屢有新詩到野亭一月驚看數十遍  
眼前陳語盡勾除筆底春風自流轉兩兒執卷侍高堂

講律談經夜無倦  
秋曹一咲平反春  
絕勝三牲日開宴  
中秋非具苦貧家  
欲枉高軒畏嘲譏  
雖無美酒可相留  
月滿清尊亦堪燕  
題詩折簡向諸公  
此日蓬門一相見

再和良佐二首

佳父都城似鄉懸  
察友情如故人面  
誰咲青氈官况貧  
新詩勝有瓊瑤片  
感君厚意未可酬  
折簡茅堂日幾遍  
我才天賦慳且澁  
折軸車輪推未轉  
攤書滿床心亦勞  
閉門覓句神應倦  
每讀君詩未停口  
如飽珍羞坐官宴

翻愁狂童送詩急  
惱亂闌入被非謹  
樵門剥豕如催租  
驚恐隣翁不成燕  
出門苦恨少銀鞍  
走謝高堂一相見

二

詩社勞勞若劇縣  
一字難成幾頽面  
君詩奇麗可人看  
金谷春花錦千片  
靈叢神宇衆自殊  
月斧雲斤斲應遍  
亨衢造父駕車輕  
赤手宜僚弄丸轉  
杜陵述作使同遊  
飯潁山前思應倦  
詰朝輟直定清暇  
白酒黃雞具新宴  
君如不飲更無詩  
月裏姮娥應怪譴  
我當天上輓銀河



淨洗瑤觥請君嚙人生百歲苦無多明月中秋幾回見  
分得兄弟解元壽維立學士

鏡川澗澗碧川湜兩水分流拱環壁天風不動絕纖埃  
萬頃玻璃浸寒碧豈無沼沚百與千斗升波浪空瀾翻  
何如兩川渺涯際潘江陸海同深源天地流來幾千歲  
德澤汪洋遠相繼中涵靈異未徒然鍾作人間兩兄弟  
碧川為弟鏡川兄丰神骨相同水清科名並起占先後  
文價相看未重輕景帝初元歲庚午鏡川首薦登天

府碧川曾薦 憲皇初亦以龍興快先親  
睽翮名姓裏

霄上瑞鳳祥麟世瞻仰文字原堪作兩元  
弟兄故是難

同榜玉堂學士今古榮二難競爽登槐廳  
懸牌相授着

故物瀛洲熟履如家庭碧川今逢歲六十  
賜語選喬

喜交集官星高並壽星明恩光傍燭秋光  
濕我登華堂

祝眉壽戶外衣冠効奔走弟兄父子叔姪  
間德業文章

一淵救筵關七夕初秋時天孫不解為歌  
辭但教分我

機頭錦持獻尊前作壽儀

趙洞玄山水為世衡乃弟國賢題

洞玄老仙豪且雄踏雲騎鶴行天空十州三島盡眼底  
豈徒雲夢八九吞曾中歸來兩袖携山海匡廬天姥隨  
牢籠置之几案供玩好寒光詩眼青瓊瓏大山昂昂如  
尊長小山俯立如兒童遠如老翁枯且瘠近如娥眉纖  
且濃盤迴曲折在咫尺千里萬里如無窮若非蓬萊青  
城諸福地安得四時雲霧常濛濛小室茅茨倚山立頗  
有古制非今同一翁把卷坐其下一翁曳杖來自東為

是知音寡塵世錦囊沙遠携絲桐長橋流水深且碧臥  
龍彷彿潛其深我欲燃犀一喚醒為施霖雨扶天公吾  
宗國賢真好事何年致此來仙宮燈堂忽訝棟梁小安  
能着此青山崇又聞山巔有栲大如橘山坳有藥菁如  
葱請君按圖覓徑路沿流緩步詢山翁登山采栲共采  
藥長鎚短袖隨春風歸雋難兄玉堂裏時來叶手蘇疲

癢

錢孝子詩二首

錢孝子汝何苦未哭母先哭父侵尋老病日且深再  
拜籲天祈天祐天高地厚神鬼幽力竭忱消意何補茫  
茫宇宙何所從露泣焚香剔雙股股肉已消形已枯莫  
救兩親起黃土泪飄碧血洒松楸面搔重泉隔今古至  
今愁恨結層空夜夜寒鴉鳴瀟風雨錢孝子汝何苦

錢孝子汝勿悲古今誰復高名垂汝無官爵亦無力坐  
令薄俗回頽靡草根白骨荷恩澤天邊紫詔光門楣鬼  
神天地亦非遠百年報汝良不虧俾汝生兒兒生孫兒

孝如汝孫如兒富貴壽考世相禪如形有影相追隨我  
言無徵汝不信古人錫類言亦欺錢孝子汝勿悲

送馬紫崖學士還南京

石頭城長千里浩歌曾對春風起有時豪興出餘酣  
拍青山弄江水別來二十五年餘回想風光朝暮爾昨  
聞紫崖南都行起坐中宵心獨喜官曹人物兩清絕詩  
句山光闡雙美公餘吊古出城闈坐對長江閱殘壘莫  
辜晉殿感遺墟斷鎖殘旌棄叢卉尚餘遺憤未銷磨蒼

茫落日寒烟裏  
筆鈿判斷藉君才  
却為英雄滌餘耻  
昨來謁賀趨

堯庭秋堂秉燭溫  
前盟聞君瀛洲續  
新約令我臨風感  
故情霜橋握手欲  
重分把酒相賀更  
問君欲向春來否  
舊遊玉亭一席能  
容不

少傅野亭劉公  
藁卷之六終